




H. XIII. 8




Nova-Tacina. Liter. -

937.  
I







Henrici Nicolai

1. Oratio de Protervia quadam Philosophica.
2. Miscellanearum Exercitationum Decuder III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



Holt. 64  
D. O. M. A.  
GYMNASII ETHICI  
EXERCITATIO VI.

De  
Legibus.

Quam  
PRÆSIDE  
HENRICO NICOLAI,  
Phil. Profesf. Publ.

*Placide ventilationi subjicit*  
GEORGIUS CHRISTOPHORUS  
BERWALDVS,

Doringius.  
In Gymnasio Gedanensi.

*Ad diem Septemb.*  
Horis locoq; destinatis.

---

DANTISCI,  
Typis Viduæ GEORGII RHETII.  
Anno M. DC. XLIX.

D. O. M. A.

GYMNASI ETHICI

EXERCITATIO VI.

Legibus

PRÆFATIO

HENRICO NICOLAI

Phil. Profest. Publ.

GEORGII CHRISTOPHORUS

BERGVALDVS

In Christo Obedient

Ad Hon. Senat.

Hon. locis de iudic.

DANTZIG

Typis Videri GEORGII RHEITII

Anno M.DC.LXX.



# EXERCITATIO VI.

De

## LEGIBUS.



Um Justitia universalis ad obedientiam omnium legum inclinet, Leges effecta ejus sint, *d. 5. r. 16.* Consequenter de legibus in *Ethicis* præcipiendum, etsi & in *Politicis* & alibi doctrina ista tradatur. Spectari enim lex potest, *vel* ut homini à Deo indita, aut certæ Reipubl. ut Judaicæ, aptata est, ita ad *Theologum* de lege & Evang. tractare spectat: *vel* prout in Rep. lata dextrè interpretanda est, ita ad *ICtum*, cujus proprium munus, sensum legum in Rep. congruè explicare, *6. Nicom. c. 8. vel* prout ferenda, servanda, abroganda, mutanda, est, sic *Politici* cura est, *V. Aristot. 2. Pol. c. 8. vel* ut in genere determinato ad Reip. statum, natura, veritas, affectio & habitudo ejus repræsentatur, sic *Ethici* fori propria est.

2. Et hoc dupliciter. 1. *Generaliter*, ut omne præscriptum est, sive justum & honestum, sive injustum & inhonestum sit. Quod significatum vocis legis hic usurpant, *Arnsæus 9. Polit. c. 8. Horneius l. 4. Eth. c. 8. Elerus d. 11. Eth. t. 9.* 2. *Specialiter*, ut honestum est, unde negant legem de inhonesto veram legem esse, ut *Augustinus l. 1. d. lib. arb. c. 5. & L. 19. d. civ. Dei. c. 20. Plato. 5. de leg. Cicero. 1. d. leg. t. 18. 19. 58. L. 2. c. 11. 12. 18. L. 2. d. Invent. C. 86. Thomas 1. sec. q. 92. 96. 99. Clemens Al. l. 1. Strom. Valentia T. 2. d. 7. q. 1. Timpterus 4. Pol. c. 4. q. 7. Meisnerus 1. d. leg. q. 5. & L. 4. s. 1. q. 8. Piccolomineus*



gr. 10. c. 24. Gerhard. d. Mag. Pol. t. 221. Covarruvias T. 1. Resol. p. 415. Keckerm. d. 80. curs. Phil. t. 5. & q. 1. Et est Aristotelis etiam sententia, s. Nicom. c. 15. Et proprie in Ethicis tantum de honestis legibus agitur. De inhonestis imperata esse possunt, non leges, sed potius illegalitates, anomalix, enormitates, & inordinationes. Etiam si tandem Philologis tam late vox Legis extendatur, ut & iniqua complectatur.

3. Vox legis à ligando vel legendo, activè aut passivè sumpto, dicta, interdum omnem doctrinam notat, interdum V. Testamentum, constitutionem Politicæ Judaicæ, Decalogum, legis maledictionem, particularem constitutionem, & simile quid, hic regulam agendi & omittendi notat. Dicitur & Jus, quod interdum Justitiam objectorum in ipsis rebus fundatam, vel necessitudinem & cognationem, vel locum Juridicundo sacrum, vel omne prætoris enuntiatum, vel scientiam Juris, facultatem habendi aut agendi circa aliquid, debitum legale alteri reddendum, vel honestè exercendum, vel regulam operum notat, ut hoc loco; Et mandatum, statutum, sancitum, jussum, præceptum, regula, norma, quamvis inter quædam distingvatur, Græcis νόμος, Hebr. חוק, Germ. Gesetz / Saung / Befehl / dicitur &c. Potest & effectus Justitiæ esse, cum lex inveniendæ & ponendæ est, ubi habitus Justitiæ in homine facit legem & constitutionem honestam: Et Justitiæ effectus legis, quæ lex jam posita & inventa est, ad eamque ut normam ac dirigentem Justitiæ in Rep. exercetur: Et Lex objectum Justitiæ, quæ ad præscriptum legis exercenda, ubi lex velut id, quod in actum duci debet, est. Ac tam universalis Justitiæ effectum



fectum est lex, quâ ad omnia honesta se extendit, quâm particularis, quâ in particulari externorum commutatione ac distributione æquum servari docetur.

4. Lex spectari in definitione, causis, subjectis, objectis, affectionibus, divisionibus, & oppositis potest.

5. Definitio est, quod sit decretum à potestate habente sufficienter promulgatum, substantiam intellectualem ad rite vivendum dirigens, & ad obediendum obligans, ad servandam status salutem.

6. Nota hic 1. Definiri hinc legem, ut in Ethicis spectatur, & de honesto est, non inhonesto, t. 2. 2. Ut & in legislatore est, actus judicans, volens, imperans, hoc à subditis servari aut vitari, eoq; actus & prudentiæ & auctoritatis ejus; Et ut in subdito, judicium practicum de statuto legitimè servando: & ut absolute in se est, regula actiones humanas dirigens. Quomodo & ad intellectum & voluntatem pertinet, inq; illis est, ut subjectis, in voce, tabulis, scripturis, ut signis.

7. Genus ejus est decretum. Lex complexum quid & integrum enuntiaturum est, ut; non furaberis, parentes honorandi sunt, eoq; non directè prædicamentale ens, eoq; rigidum genus ejus dari non potest, sed analogicum, ut natura rei fert, quale hic decretum est. Quod sumendum, non ut sententiam disceptantem, dubitantem, ignotum ex noto deducentem, colligentem, succedentem, notat, sic enim imperfecta, & Deo non competit, in quo decreta agnoscimus: Sed generaliter, ut sententiam latam & præceptum rei faciendæ aut omittendæ notat. Connotat & actum intellectus in legislatore, quâ prudenter regula moralis proponitur, & voluntatis, quâ imperio

subditus ad observandū obligatur, ut, volo & jubeo, hanc regulam subditos observare. *jubere enim lex debet, non disputare, Senec. ep. 94.* Unde rectius in eā dicitur, non facies, quā, ne facias, Illud enim magis jussum, hoc consilium importat. Et per hoc Lex à consilijs, monitis, adhortationibus & dehortationibus, svasionibus & dissvasionibus, distingvi potest, quæ dirigere ex parte possunt, sed non jubere. Consilium offerentis arbitrium, sed præceptum servientis necessitas est, ut *Hieron.* loquitur.

8. Variè aliàs *Legem ex genere* determinant, ut imperandi sapientiam, rectam hominis rationem, rationis ordinationem, communem civitatis consensum, doctrinam, normam, patefactionem. &c. *v. Horn. 4. Eth. c. 3. Meissn. 1. d. leg. q. 2.* Ubi quædam magis efficientem, quā genus, alia effectum & affectionem, vel nimislaxam aut strictam, aut tropicam ac metaphoricam vocem pro propriā adhibent, *V. dec. 3. d. 4. t. 16. Dices: Lex natura est habitus connatus, non autem decretum. Et tamen Lex. Ergò decretum non exhaurit legem. R. Vt Lex natura lex est, sed connata & indita: Ita & decretum, non promulgatum, sed implantatum & inscriptum in ipso homine, dictamen & principium luminis naturalis de faciendis & omittendis, quæ interna dictatio promulgationis analogon est. Ut hæc externè, sic illa internè præscribit. Ut hæc norma vivendi, sic & illa. Ut lex ratione legislatoris decretum, subditi obligatio est, sic & hæc.*

9. *Cætera verba ad differentiam pertinent, & à causis, subjectis, ac officio legis sumuntur. Ab efficiente dicitur, à potestatem habente sufficienter promulgatum, h. est,*  
*super-*



*superiore*, qui vim habet & Jurisdictionis, ut obligare possit, & coactionis, ut ad parendum cogere possit. Unde gladius magistratui datus. *Roman. 13. vers. 4.* Ut efficaciter legem in subditis exequi possit, secus lex sine executione est campana sine pistillo. Hanc vim *vel* communitas, quæ Jus legislatorium, ut corpus liberum, sibi reservare possit, *vel comm. præs* habet, *vel* summus, ut Deus, *vel* subordinatus, ut magistratus, qui *vel* immèdiatè à Deo habet, ut Moses, *Exod. 4. v. 16. seqq.* *Vel* mediatè à communitate accipiens, qui Jus suum in eum transfert. *Sufficienter promulgatum*, h. est, indicatum & patet factum. Unde promulgari q. provulgari, sine hac enim nec dirigere, nec obligare lex potest, nil enim dirigit, nisi cognitum, & nil cognitum, nisi propositum ac manifestatum. Unde in legislatore manens, non subditis patet facta, non totum requisitum ad completam legis rationem pertinens habet, nec officium legale exercere potest. *Sic lex aeterna*, quæ talis in Deo manens, propriè lex non fuit, anteqvam subditis cum obligatione intimata est. *Et in legislatore manens sententia*, nondùm vera lex esse potest.

10. *De eâ nota*, 1. *Promulgatio* non tantùm solennem & externam manifestationem, quomodo apud Romanos toto trinundino, h. est, 27. diebus publicè proponebatur: *Sed quavis sufficientem revelationem (subdito factam)* notat, sic in lege naturæ interna inscriptio, t. 8. In reliquis externo signo est, *voce*, ut apud Lacones, quibus scribere leges Lycurgus vetuit, *aut scripto*, ut apud Athenienses & Romanos. 2. *Signum externum sufficienter revelet*, & ratione *modi*, ut is clarus, apertus, & patens sit, non ut *Caligula*, minutissimis literis & angustissimo loco fiat,

fiat. *Sveton. c. 41. Et objecti*, cui notificatur, ut satis universaliter communicati indicetur, etsi non omnibus individuis in singulari, ut potissima membra sciant, & ab his reliquis indicari possit. Unde si ignorant quidam, ex supinâ & crassâ ignorantia fit, quæ non excusat.

11. *Dices: Hoc modo non dirigit Lex.* Ignorum enim non dirigit, r. 10. At quod non dirigit, nec obligat. & *Non dirigit actu scil. & de facto*, vi dirigendi tamen prædita erit, & in hoc essentia legis est. Actu dirigere officium ejus est, quod interdum abesse potest. Vis dirigens non separatur à vi obligandi, si esse legis in se spectes. Actualis tamen directio ab actuali obligatione, & hæc ab illâ separatur, si officium legis in hoc aut illo homine particulari spectes. Sic per dispensationem aliquis ab obligatione legis eximitur, & spontè secundum legem se dirigit. Et contrà legem ignorans non dirigitur ab eâ, & tamen obligatur. Ut Turca polygamus in N. T. *Obligatio enim legis non ex scientiâ subditi, sed voluntate superioris sufficienter expressâ* pendet, & instar moralis cujusdam, ut dominij, juris, servitutis, etiam ignoranti adnasci potest. Sic lex naturalis obligat etiam infantes. Et tamen ob defectum usus rationis ignorant eam.

12. *Promulgatio est vel solennis*, quæ cum ritu & ceremoniâ fit, ut lex in Sinâ, *Exod. 20.* Hæc in lege humanâ ob publicam magistratus auctoritatem necessaria est. Sic Romani ritus adhibebant. *V. Pontanum T. 4. pro-gym. dial. 20. Dempsterum l. 8. ant. Rom. c. 2.* In divinâ non semper, quia Deus absolutè omnium Dominus: *Vel non solennis*, quæ sine ceremoniâ. Sic Christus prædicare jussit Apostolos. *Matth. 10. v. 5. 4. Promulgationem sequi debet*



debet subditorum acceptatio, secus ejus non est obligatio. Si subditus jus habeat disceptandi de lege, eamq; non acceptet, non obligabit. Et acceptatio fiat à majore communitatis parte, etsi non ab omnibus individuis in specie, & vel tacite, cum non contradicatur, vel expresse, voce aut scripto, vel ipsa executione, cum ipsa praxi exprimitur.

13. Ab officio & subjecto dicitur, dirigens substantiam intellectualem in vivendo, & obligans ad obediendum. Officium legis est directivum actus, & obligativum status. Directivum, hoc est, dirigere debet, & in eo esse legis est. Dirigere facto officium ejus est. 1. 11. Et lex divina actus internos & externos æquè dirigit, quia totalem perfectionem, objectivam & subjectivam, extensivam & intensivam postulat, Matih. 5. v. 28. Jac. 2. v. 10. Humana externos primò, internos secundò. Unde nemo in foro soli luit, qui tantum internè peccat, secundum illud: Cogitatus liber est, Gedanken sind Zolsfrey. Obligativum, quia debitum morale in subdito infert, quo se ad voluntatem legislatoris sub pœnæ comminatione, si contrà agat, conformare tenetur, tam ratione objecti & rei volitæ, quàm modi volendi & circumstantiarum, ut temporis, quando & quamdiu, an ex nunc, an postea, an perpetuò, an ad tempus, & modi, ut, an pœnaliter & sub vitæ periculo, ut cum legem servare plus commodi reipublicæ infert, quàm vitam servare. Sic miles ad stationem non deserendam obligatur, etsi certò ei moriendum, An conscientiosè, ut interno mentis dictamine eò homo constringatur, & hoc vel directè, quomodo lex Dei obligat, vel indirectè, quàm consequenter Deus læditur, nò legem observes, quomodo humana lex conscientiam obligat. Rom. 13. v. 2. 5. 1. Pet 2.

v. 13. 19. *Et Subjecti*, an omni homini, ut moralis, an cui-  
dam, ut ceremonialis, lata, an toti communitati, an qui-  
busdam membris, ut Sacerdotibus, militibus; An scien-  
tibus, an ignorantibus simul. t. 10. 11.

14. *Subst: intellectualem*, ut Angelum, hominem.  
Et lex activè & passivè sumta, ferendo & accipiendo,  
tantum in intellectuali substantiâ est. Brutum in materiâ  
& objecto legis esse potest, sed nec ferre, nec accipere  
eam potest. d. 3. t. 3. Lex naturæ etiam bruto assignari  
solet. Sed ea in illo propriè non lex, sed instinctus na-  
turæ est, t. 16. *Vt salus status servetur*, finis hic legis est,  
qui ultimus Dei gloria, propinquus salus status publici  
& privati, & intermedius, tam superioris, quàm inferioris  
directio est.

15. *Sic definitio legis. Causa efficiens ex t. 9. mate-  
ria, licitum, t. 2. Objectum & subiectum t. 13. 14. pa-  
tent. Affectiones legis* necessitas, dignitas, & utilitas sunt.  
*V. Arist. 5. Pol. c. 8. Dempst. præf. ant. Rom. Bonitas*, quâ  
non de illicito esse debet, t. 2. *Efficacitas*, quâ & vi directi-  
vâ, & obligativâ, & coercitivâ prædita. t. 11. 18. *Interpreta-  
tio*, commoda legis scriptæ explicatio, & ad speciales ca-  
sus applicatio, quæ vel simplex, vel per æquitatem &  
correctiva, cum rigor mollitur, & mens latoris in casu  
particulari, si eum dijudicasset, evolvitur. Præstantius  
quid ipsâ lege dicitur s. *Nic. c. 14.* quâ emendat eam,  
& ex non emendato periculum oriretur. Duritiem enim  
legum, nostræ humanitati incongruam, emendari oportet.  
*L. 1. Cod. t. 14. c. 9. Eaq; restrictiva*, ut lex de Sabba-  
tho, 1. *Maccabeor. 2. v. 41. Vel extensiva*, ut de voto,  
*Num. 30. v. 4. seq.* Unde & de conjugio, quod sine con-  
sensu



sensu superioris non ineundum, colligitur. *Oppositum* ejus *summum & rigidum jus est*, cum litera nimis observatur, & in applicando potius injuria, quàm æquitas committitur: *Et sycophantia ac illusio*, cum sensus legis callidè in alienum detorquetur.

16. *Dirisio legis in naturalem*, quam vel homini cum brutis communem, ut ICTi, ut foetum amare, se ipsum defendere, quæ improprie lex, cum nec ratio, nec voluntas, nec Justitia in bruto, t. 14. vel homini propriam faciunt, ut parentes honorare, ut Theologi, qui ab ICTishic divertunt, V. Becan. p. 2. T. 1. Th. Sch. tr. 3. c. 3. q. 1. *Divinam*, quæ Deum authorem habet, & *Civilem* est, quam homo ut animal sociale pro bono communis constituit. *Quæ scripta & non scripta, vel consuetudinaria, primaria & secundaria, publica & privata est.*

17. *Cognatum legis Censura est*, morum animadversio, corrigens, quæ nondum scripta lege comprehensa aut Judicio publico subjecta sunt. Eam diligenter Romani coluerunt, unde Censores statuti, V. Koning. l. 10. Pol. Amirat. l. 11. d. Pol. d. 2. Bodinum 6. d. Rep. C. 1. Dempsterum. l. 7. Antiq. c. 10. aliosq. Et *consuetudo est*, Jus non scriptum ex longo usu ortum, vim legis obtinens. Ejus, si bona, triplex usus est, abrogandi, instituendi, & interpretandi legem. De hac varia quæruntur, quæ apud Becanum c. l. c. 8. Lesium d. Ju. & Jur. L. 2. c. 6. Vasquez. d. 177. Svaretz L. 7. d. leg. Covarruviam, aliosq. videantur. *Oppositum primum illegalitas & legis abrogatio, secundarium suspensio, obligationis legalis ad tempus inhibitio, ut postea iterum valeat, & dispensatio est*, ejus in particulari ad talem casum relaxatio, in quo lex aliàs vigere debuit.

buit. *Hæc in positivâ & humanâ, non divinâ & naturali est, hæc enim immutabilis Dei voluntas est. Excipere aliquid DEUS ab eâ potest, ut in tali casu non obligare intelligatur, ut fratriam ducere in carentiâ hæredis, filium unigenitum occidere, in casu tentandæ erga Deum obedientiæ, nec lex hic mutatur, sed objectum aliquod ab eâ excipitur, quod ad regulam non pertinere intelligatur, non quod propriè circa eâ dispensetur. De eâ plura apud Becanum c. l. c. 4. Valent. T. 2. d. 7. Molinam d. 1. & J. T. 6. tr. 3. Lessium c. l. Meisnerum d. leg. q. 10. & P. 3. Ph. Sob. f. 2. c. 4. Brochmandam L. C. d. Leg. c. 4. Covarruviam T. 1. p. 2. Var. Resolut. Thomam l. 2. q. 100. aliosq; videantur. De Legibus & earum requisitis etiam verulamium L. 3. d. augm. scientiar. C. 3. vide.*

18. Sunt aliàs, qui censent, dispensationem in lege Nature, quæ sine dubio divina est, à DEO fieri posse, tam illis, quæ expressè in decalogo continentur, quam quæ extra eum, Ut Occamus in 2. q. 19. Gerson tr. d. vit. Spirit. l. 1. Corol. 10. Almaynus tr. 3. Moral. C. 15. Quod peccatum ideò sit, quod à DEO prohibitum sit, ut furtum, mendacium, adulterium, & si prohibitum non sit, non malum sit, eoq; hic dispensari possit. Alij distinguunt, & in decalogo non, sed aliis legibus naturæ dispensari posse censent. Ut Sotus 2. d. 1. & J. q. 3. Bellarm. d. matrim. C. 11. Durandus, Bonaventura, Scotus, adhuc aliter limitant. Sed vox dispensationis explicanda est, & ab irritatione, abrogatione, derogatione, declaratione seu interpretatione, & exceptione, distinguenda est, quamvis sæpè pro iisdem sumantur. Plura aliàs.



tion  
ere  
and  
re.  
li-  
tor  
are.  
oo  
Ho-  
t si  
pe-  
-

